





儀禮疏

卷四十四至四十六





修板

儀禮疏卷第四十四

唐朝散大夫行太學博士弘文館學士臣賈公彥等撰

特牲饋食禮第十五 鄭目錄云特牲饋食之禮謂諸侯之士祭祖禴

非天子之士而於五禮屬吉禮 釋曰鄭知非天子之士而云諸侯之

士者案曲禮云大夫以索牛士以羊豕彼天子大夫士此儀禮特牲少

牢故知是諸侯大夫士也且經直云適其皇祖某子不云考鄭云祖禴

者祭法云適士二廟官師一廟官師謂中下之士祖禴共廟亦兼祭祖

故經舉祖兼有禴者鄭達經意祖禴俱言也若祭無問一廟二廟皆先

祭祖後祭禴是以文二年左傳云文武不先不窟子不先父是也若祭

無問尊卑廟數多少皆同日而祭畢以此及少牢惟筮一日明不別日

祭也 特牲饋食之禮不諏日 注祭祀至爲詛 釋曰自此至事畢

論士將筮日之事云祭祀自孰始曰饋食饋食者食道也者案檀弓云等

用米貝弗乃虛也不用食道用美焉爾鄭注云食道粢米貝美若然食道

是生人飲食之道孝子於親雖死事之若生故用生人食道饋之也此

釋經不言祭祀而言饋食之意耳云祭祀自孰始者欲見天子諸侯饋

孰已前仍有灌鬯朝踐饋獻之事但饋食見進黍稷云饋孰見牲體而言天子諸侯堂上朝踐饋獻後迎尸於堂亦進黍稷牲體其犬豕牛羊亦孰之同節也云士賤職褻時王事服可以祭則筮其日矣者此解經不誨日謂不如大夫已上預前十日與臣誨日而筮之是以鄭云不如少牢大夫先與有司於廟門誨已之日也凡士言不者對大夫已上為之此士言不誨日少牢大夫誨日士喪禮月半不殷奠則大夫已上殷奠如此之類皆是也鄭云時至事暇可以祭者若祭時至有事不得暇則不可以私廢公故也若大夫已上尊時至唯有喪故不祭自餘吉事皆不廢祭若有公事及病使人攝祭故論語孔子云吾不與祭如不祭注云孔子或出或病不自親祭使攝者為之不致肅敬於心與不祭同又祭統云是故君子之祭也必身親涖之有故則使人可也雖使人也君不失其義者君明其義故也是君大夫有病故皆得使人攝祭若諸侯有朝會之事則不得使人攝故王制云諸侯約則不禘禘則不嘗嘗則不烝烝則不禘鄭注云虞夏之制諸侯歲朝廢一時祭又明堂傳云是故夏禘秋嘗冬烝鄭注云不言春祠魯在東方王東巡守以春或

闕之是諸侯朝會不得攝以諸侯禮大故也案桓八年經書正月己卯烝公羊傳云烝者何冬祭也春日祠夏日禘秋曰嘗冬曰烝常事不書此何以書譏何譏爾譏亟也亟則黷黷則不敬君子之祭也敬而不黷疏則怠怠則忘士不及茲四者則冬不裘夏不葛何休云禮本下為士制四者士有公事不得及茲四時祭者則不敢美其衣服若然則士不暇不得祭又不得使人攝大夫已上有公事乃有攝可知及筮至西面注冠端至廟門釋曰云冠端玄冠玄端下言玄者玄冠有不玄端者不玄端則朝服下記云助祭者朝服不著玄端故也若然玄端一冠冠兩服也對文則玄端有纁裳玄裳黃裳雜裳若朝服緇布衣而素裳但六人為玄七入為緇大判言之緇衣亦名玄是以散文言之朝服亦名玄端故論語云端章甫鄭云端玄端也諸侯曰視朝之服以端是正幅非直服稱端六冕亦有端稱故禮記魏文侯曰吾端冕而聽古樂則唯恐即是冕服正幅亦名端也云門謂廟門知者士冠禮云筮於廟門為冠禮筮尚在廟門此為祭廟筮在廟門可知若然士冠言廟非祭恐不在廟故言廟此不言廟者為祭廟筮可知不須言廟也子姓

至北上 注所祭至皆侍 釋曰云子姓者子之所生者案鄭注喪大記云姓之言生也云子之所生則孫是也云小宗祭而兄弟皆來與焉者案喪服小記云繼別為宗繼禰者為小宗鄭注云小宗有四或繼高祖或繼曾祖或繼祖或繼禰皆至五世則遷若然繼禰者長者為小宗親弟等雖異官皆來祭繼祖者從父昆弟皆來祭繼曾祖者從祖昆弟皆來祭高祖者族祖昆弟皆來祭是皆據小宗而言也云宗子祭則族人皆侍者此鄭據書傳而言案書傳康誥云天子有事諸侯皆侍尊卑之義注云事謂祭祀又云宗室有事族人皆侍終日大宗已侍於賓奠然後燕私注云謂卿大夫以下宗室大宗之家引禮記別子為祖繼別為大宗繼禰為小宗賓寮友助祭者若然大宗子祭一族之內皆來財祭引之者證經子姓兄弟若據小宗有服者若據大宗兼有絕服者也

有司至北上 注士之屬吏也 釋曰云如兄弟服者如主人

左傳云士有隸子弟謂此言為屬吏而已 席于至

設也 釋曰案士冠禮云筮與席所赴者且饌于西塾乃言布席于門中筮人執筮抽上韝兼執之北不言具饌于西塾而經但言席于門

之

中取筮于西塾又不云抽上韝者皆是互見省文之義 注筮人至也 釋曰案周禮春官有卜人筮人比士禮亦云筮人故云官名也云筮問也取其所用問神明者謂著也者案周禮天府云季冬陳玉以貞來歲之美惡注云問事之正曰貞凡卜筮實問於鬼神謂卜用龜龜知生數一二三四五之神筮用著著知成數七八九六之神則此鄭云神明者也若然神既為生成之神鄭云謂著者則著亦有神易繫辭有著之德圓而神非直筮有成數之神亦有著之神也 宰自至尚饗注宰羣至庶幾也 釋曰云宰羣吏之長者贊命之事非長不為又天子諸侯宰皆尊官故知羣吏之長也云贊命由左者為神求變也者決士冠禮宰自右少退贊命鄭注云宰有司主政教者自由也贊佐也命告也佐主人告所以筮也少儀曰贊幣自左詔辭自右此祭祀故宰自左贊命為神求吉故變於常禮也云士祭曰歲事此言其事又不言祀者容大祥之後禫月之吉祭案下宿賓云薦歲事據吉祭而言又少牢吉祭云以某妃配即與士虞記云中月而禫是月也吉祭猶未配此與彼文同故知是禫月吉祭也云言君祖者尊之也者天子諸侯名曾

祖為皇考此士亦云皇祖故云尊之也云某子者祖字也伯子仲子者以其某在子上為男子美稱故以其某為伯仲叔季五十字下篇云皇祖伯某鄭注云伯某且字也不為五十字者以其在伯下故為且字解之與此異也 注士之至寫之 釋曰云士之筮者坐著相由便者決下少牢云史曰諾遂述命既乃釋讀立筮鄭注云卿大夫之著長五尺立筮由便與士不同知著有長短者案三正記云天子著長九尺諸侯七尺大夫五尺士三尺是也云卦者主畫地識爻爻備以方寫之者案士冠禮云筮人許諾右還即席坐西面卦者在左卒筮書卦執以示主人鄭云卒已也書卦者筮人以方寫所得之卦彼云書卦即云執以示主人則筮者書寫以示主人也此經云卒筮寫卦乃云筮者執以示主人則寫卦者非筮人故此鄭云卦者主畫地識爻爻備以方寫之也 注長占至占之 釋曰經直云長占知非長者一人而云長幼旅占之者士冠禮云筮人還東面旅占明此亦是長幼旅占經直云長者見從長者為始也 若不至初儀 注遠日旬之外日 釋曰案曲禮云吉事先之外喪事先遠日此尊卑禮同也又云旬之內日近某日旬之外日

修板

遠某日此尊卑有異云旬之內日近某日據士禮吉事先近日謂祭祀假令孟月先於孟月上旬內筮筮不吉乃用中旬之內更筮中旬又不吉更於下旬內筮筮不吉即止大夫已上假令孟月祭於前月下旬筮來月之上旬不吉又於孟月之上旬筮中旬不吉又於中旬筮下旬不吉即止不祭今云遠日旬之外日者謂上旬不吉更於上旬外筮中旬為旬之外日非謂如大夫已上旬之外謂旬前為旬外也前期至尚饗 注三日至為尸 釋曰自此盡主人退論祭前筮尸宿尸之事云三日者容宿賓視濯也者謂前期二日宿賓一日視濯是以下云厥明夕陳鼎于門外下至夙興皆祭前一日視濯之事以其夙興上事是祭前一日也宿賓又是厥明夕為期上則宿賓與視濯別日又知宿賓是祭前二日此經乃祭前三日筮尸故鄭云容宿賓視濯言容者為筮尸之後祭日之前有二日容此二事也若然筮尸在祭前三日宿尸云乃乃是緩辭則與筮尸別日矣以此而言則宿尸與宿賓中無厥明之文則二者同日矣二者既同日鄭直言容宿賓視濯不言容宿尸者以其宿賓在厥明之上故不嫌宿尸與宿賓別日也云某之某者

字尸父而名尸者經直云其之其鄭知字尸父而名尸者曲禮云為人子者祭祀不為尸鄭彼注云尊者之處為其失子道然則尸卜筮無父者又云卒哭乃諱諱則不稱名故知尸父云其是字尸既對父故其為名云連言其親庶幾其馮依之也者尸父前世與所祭之父同時同時必相識知今又筮其子為尸尸又與所祭之子相識父子皆同類故連言其親庶幾其神馮依之也云大夫士以孫之倫為尸者案祭統云夫祭之道孫為尸父尸所使為尸者於祭者子行也父北面而事之所以明子事父之道也注云祭祖則用孫列皆取於同姓之適孫也天子諸侯之祭朝事延尸於戶外是以有北面事尸之禮如是則天子諸侯宗廟之祭亦用孫之倫為尸而云大夫士者但天子諸侯雖用孫之倫取卿大夫有爵者為之故鳥驚詩祭尸之等皆言公尸又曾子問云卿大夫將為尸於公若大夫士祭尸皆取無爵者無問成人與幼皆得為之故曾子問孔子曰祭成喪者必有尸尸必以孫孫幼則使人抱之是也

為宿尸 注宿讀至作宿 釋曰云古文宿皆作羞疊之不從古文云或作速謂一部之內或作速者若公食大夫速賓之類是也云記

作肅者曲禮云主人肅客而入是也又云周禮亦作宿者大宗伯文宿**眠滌濯是也**是以鄭汎云或也 主人至東上 注不東至其後 釋曰云不東面者來不為賓客者為尸者父象也主人有子道故主人北面不為賓客不敢當尊故不東面此決冠禮宿賓主人東面此中北面不同也云上當其後者子姓兄弟北面陪主人後東頭為上者不得過主人故為上者當主人之後也 尸如至西面 注不敢南面當尊 釋曰此決少牢云主人即位於廟門外之東方南面以其大夫尊於恩有君道故南面當尊此士之孫倫為尸雖被宿猶不敢當尊也 注 人先拜尊尸 釋曰此決下文宿賓賓先拜主人乃答拜故云尊尸是以主人先拜也案少牢云吉則遂宿尸祝擯主人再拜稽首祝告曰孝孫某云云尸拜許諾祝先釋辭訖尸乃拜許此尸答拜後宗人乃擯辭者士尸卑主人拜尸即答拜不得擯辭訖大夫之尸尊尊得釋辭訖乃拜 宗人至敢宿 注宗人至無敢 釋曰云如初者如宰贊命筮尸之辭者案筮尸時雖不見宰贊命以其云筮尸如求日之儀筮日時有宰贊命則筮尸時亦有宰贊命可知故此得如之也云卒曰者著其辭

司

所易也者前筮尸辭云筮某之某為尸尚饗易已上之處也 祝許諾致命 注受宗至釋之 釋曰云始宗人祝北面至於傳命皆西面受命東面釋之者以其上文始時主人與子姓兄弟立于尸門外北面重行則宗人與祝相隨亦皆北面故云始宗人祝北面至於尸出門左西面主人避之門西東面定位訖宗人進主人之前西面鄉之受命受命訖尸既西面明宗人旋鄉東面釋之可知 尸許至稽首 注其許至主人 釋曰云其許亦宗人受於祝而告主人者謂祝受尸許諾辭旋西面告宗人宗人告主人尸許諾主人乃再拜稽首 注相揖至尸尊 釋曰鄭知有相揖而去者約下篇少牢云主人退尸送揖不拜是也但彼有送文此經尸入後乃言主人退則尸不送可知此尸不送者士卑故尸被宿之後不送也大夫尊故尸雖受宿猶送大夫也 宿賓至敢宿 注薦進至賓耳 釋曰自此盡賓拜送論士將祭宿屬吏內一人為備三獻賓之事也云言吾子將臨之知賓在在司中者以其云將臨之明前筮尸在其中可知以上無戒文今宿之云吾子將涖之明知賓在在自內可知案前文有司羣執事如兄弟服東面北上鄭云士之屬

吏此云賓在在司內則賓是士之屬吏可知下記云公有司門西北面東上獻次衆賓私臣門東北面西上獻次兄弟賓及衆賓行事在西階之復似賓不在在司中者但賓是士之屬吏內言私臣據已自辟除者言公有司者亦是士之屬吏命於其君者言賓在在司中者諸士此獻者之中選以為賓又選為衆賓以下若在門外時同在門西東面北上及其入為賓及衆賓者適西階以俟行事公有司不選為賓者門西北面私臣不選為賓門東北面門外不列者以其未有事入門而列者為將行事公有司門西私臣門東二者皆無事故經不見記人乃辨之見其與於獻也云今特肅之尊賓耳者賓有司之內不嫌不助祭今特宿之者將使為賓也 注厥其至為密 釋曰自此盡主人拜送論祭前一日之夕觀濯與視牲之事云門外北面當門也者以其經直云門外不言門之東西故知當門下篇少牢陳鼎在門東此當門者士卑避大夫故也 於在至東首 注順猶至階也 釋曰下篇云少牢牲北首東上司馬判羊司士擊豕宗人告備乃退不言獸少牢五鼎明有獸可知不言之者已有二牲略其小者故不言之也案士虞記陳牲于廟門外北首西上

儀禮疏四十四

鄭注云言牲腊在其中西上變吉此亦其西北首東足與彼文同彼云變吉者彼牲云北首西上明腊亦北首可知此實獸於上東首不與牲相統故云變吉云於之制如今大木輦矣上有四周下無足者鄭舉漢法以曉古諸禮禮記及此儀禮而言於者以無足解之云獸腊也者特牲鼎有豕魚腊案周禮腊人鄭注云小物全乾為腊故知豕云牲魚水物云獸是腊可知 汪其西至其生 釋曰豕不可牽之縛其足陳於門外首北出於東其足寢其左以其周人尚右將祭故也云牲不用於以其生者對腊死用於而言之 汪東房至南耳 釋曰大夫士直有東房西室若言房則東房矣故士冠禮陳服于房中西墉下東領北上不言東又昏禮側尊醜于房中亦不言東如此之類皆不言東以其直有一房不嫌非東房故不言東今此經特言東房明房內近東邊云東房也夾室半以南為之以壁外相望則當夾北也又與少牢邊豆所陳相反少牢近於西方此經則房中之東也言當夾北者以其夾室在房近南東故云房中之東當夾北也云西堂西夾之前近南耳者案爾雅西夾室前堂謂之相此在西堂在西相故云西夾之前近南也

象至不在

釋曰云不象如初者此決上經主人及子姓兄弟即

于門東如初筮位今賓及眾賓者即是前者有司羣吏執事當言如

不言者以宰前筮時在門東贊主人辭今宰在門西同行又宗人祝

離位賓西北東面南上異於筮位時故不言如初也 汪事彌至位彌

釋曰云事彌至者謂祭事彌至位彌異者謂宗人祝近門離本位故云位彌異 汪眾賓至禮也 釋曰云旅之得備禮者謂眾賓無問

多少摠三拜之旅眾也眾賓共得三拜故云旅之也眾賓再拜者士賤

眾賓得備禮案有司徹主人降南面拜眾賓于門東三拜眾賓門東北

面皆答一拜注云言三拜者眾賓賤旅之也眾賓一拜賤也卿大夫尊

賓賤純臣也經云皆答一拜明人人從上至下皆一一獨答拜以其純

臣故也所以不再拜者避國公故也此士賓奠問多少皆得一時再拜者以其士賤眾賓得備禮故也 宗人至濯具 汪濯漑至几席 釋曰云不言敦鉶者省文也者決上文初饌時云豆邊鉶在東房明敦及鉶亦視可知文不云者省文故也上陳時經有几席鄭注所以不并言几席省文者經言告濯具几席不在濯內故不得云几席為省文也云

東北面告緣賓意欲聞也者經云即位于堂下如外位則主人在東階之下宗人降自西階宜東面告濯具以賓在西亦欲聞之故也所以不北面告者爲主人告故也云言濯具不言絜以有几席者凡洗濯當告絜不洗者告具而已几席不在洗內故直告濯具不言絜嫌通几席亦在洗濯之限此決下經門外舉鼎鼎云告絜 注充猶至聲氣 釋曰云北面以策動作豕者此無正文經云作是動作之言故知以策動作豕云視聲氣者案禮記內則周禮庖人唯云豕望視而交睫睜不云豕之聲氣而鄭云視聲氣者但祭祀之牲當充盛肥若聲氣不和即是疾病不堪祭祀故云視聲氣也 請期曰羹飪 注肉謂至有司 釋曰案少牢云宗人曰且明行事此不云且明行事而云羹飪者彼大夫尊有君道可以豫勞賓故云時節此士卑無君道故不云且明而云羹飪是以鄭云重豫勞賓羹飪乃來也云宗人既得期西北面告賓有司者此案少牢云主人門東南面宗人朝服北面曰請祭期主人曰比於子宗人曰且明行事上文門外賓位在門西東面今既得期鄉西在賓南北面告賓與有司使知祭日當來也 夙興至側殺 注夙早至牲也

釋曰自此盡於中庭論祭日夙興主人主婦陳設及行位之事云主人服如初則其餘有不玄端者案下記云特牲饋食其服皆朝服玄冠緇帶緇鞞注云於祭服此也皆者謂賓及兄弟筮日筮尸視濯亦玄端至祭而朝服朝服者諸侯之臣與其君日視朝之服大夫以祭今賓兄弟緣孝子欲得嘉賓尊客以事其祖禰故服之緇鞞者下大夫之臣夙興主人服如初則固玄端是也鄭云其餘有不玄端者明亦有著玄端者是以下記人辨之云唯尸祝佐食玄端玄裳黃裳雜裳可也皆爵鞞鄭注云與主人同服是有同服者有著朝服者故鄭云其餘有不玄端者也云側殺殺一牲也者案少牢主人即位於廟門之外司馬刲羊司士擊豕皆主人不視殺案楚語云諸侯宗廟之事必自射其牲刲羊擊豕又司弓矢云凡祭祀共射牲之弓矢注云射牲示親殺也殺牲非尊者所親唯射爲可又國語云禘郊之事天子必自射其牲玉藻云凡有血氣之類君子弗身翦也者據凡常非祭祀天子尊于郊射牲諸侯降天子故宗廟亦親殺大夫士不敢與君同故視之而不親殺之側殺殺一牲者案冠禮云側尊一甒醴在服北鄭注云側猶特也無偶曰側以其

無玄酒是以少牢云司馬刲羊司士擊豕以其二牲不云側也 注炊黍至作饌 釋曰知宗婦為之者以經言主婦視饌饗明主婦自為也是以下記云宗婦贊薦者執以坐于戶外授主婦尸卒食而祭饌饗鄭以祭饌饗用黍而已是宗婦為之可知也云饗竈也者周公制禮之時謂之饗至孔子時則謂之竈故論語王孫賈云與其媚於奧寧媚於竈是孔子時為竈也去西堂下者堂之西下也者以其為饗不可正在堂下當逼西壁為之故云堂之西下近西壁也又知南齊于坵者案既夕記云設於東堂下南順齊于坵明在東西堂下皆齊於坵可知又鄭下注引舊說云南北直屋栢稷在南是也案少牢云雍人概鼎匕俎于雍饗雍饗在門東南北上廩人概甑匕與敦於廩饗廩饗在雍饗之北廩饗既在門外不見主婦有視文主婦未知視之以否主婦視饌饗猶主人視殺牲故易歸妹上六云女承筐無實士刲羊無血鄭注宗廟之禮主婦奉筐米如饌之時兼視之可知云周禮作饌者所謂故書者或作饌也 注亨煮至釜鬻 釋曰知用鑊者下少牢云羹定雍人陳鼎五三鼎在羊鑊之西二鼎在豕鑊之西故用鑊也 注戶東至在左

釋曰知戶東是室戶東者若據房戶東西則舉東房而言今直云戶故知室戶東也云玄酒在西尚之凡尊酌者在左者左為上尊今云酒在西故云尚之是以鄉飲酒鄉射皆玄酒在西事酒在東若燕禮射唯君面尊不從此義也 注如初至反之 釋曰經云實豆邊者取豆邊實之又言陳于房中如初者明既而反之可知也 執事至上 注執事至於神 釋曰鄭知經執事之俎祝主人主婦亦存焉者見士虞記祝俎陳於階間敦東彼虞不致爵故見主人主婦俎明此吉祭有致爵主人主婦陳於階間可知以主婦亦是執事之人也若然少牢主人主婦無俎者以三獻禮成別為儻尸正祭無致爵故主人主婦無俎儻尸行三獻致爵乃有俎下大夫不儻尸者亦於三獻尸爵止行致爵乃有俎也云不升鼎者異於神者前俎升鼎而入設於階前此鼎在門外不入而言陳於階間二列故知不升鼎 注盛黍稷者宗婦也 釋曰知盛黍稷是宗婦者以其黍稷是宗婦所主故知也 尸盥至之右 注設盥至左右 釋曰云不揮者揮振去水使手乾今有巾故不揮也是以僖二十三年左氏傳云公子重耳在秦秦伯納女五人懷羸

與焉奉匱沃盥既而揮之懷羸怒是也云門內之右象洗在東者東謂門東據向內為右故鄭云統於門東西上云凡鄉內以入為左右鄉外以出為左右者欲明門內據鄉內以入為右者也 注為神至接神釋曰案上視濯時云宗人祝立于賓西北東面南上鄭注云事彌至位彌異宗人祝於祭宜近廟至入廟時宗人獨外視濯及出門外視牲告充未有使祝之文至此臨祭使祝敷神席故鄭云至此使祝接神故也 主婦至南面 注主婦至於姑 釋曰云雖姑存猶使之主祭祀者謂姑老不堪祭祀故姑存猶使之主祭祀也云纚者謂若士冠禮廣終福長六尺笄安髮之笄非冠冕之笄冠冕之笄男子有婦人無若安髮之笄男子婦人俱有婦人笄對男子冠故內則云男女未冠笄又喪服小記云男子冠而婦人笄是也云宵綺屬也此衣染之以黑其本名曰宵者謂此宵衣是綾綺之屬鄭注內司服云男子之祿衣是毋黑也以其士喪禮有祿衣與士冠玄端為一玄端黑是男子黑則此婦人宵衣亦黑可知其玄則黑之類也故鄭引玉藻玄宵衣以楊之證婦人玄宵衣亦黑也云其繒本夕宵者

主

為綃從絲省聲但詩及禮記儀禮皆作宵字故鄭云其宵故引詩及禮記為證引詩者直取字為證引記謂禮記玉藻取證字為宵亦以證婦人宵衣為玄也云凡婦人助祭者同服也及記不見主婦及宗婦異服之文故知同服對男子助祭祝佐食人服異也少牢云主婦贊者一人亦髮髻衣移袂與主婦同其餘不移袂同亦宵衣可知依內司服天子諸侯王后以下助祭皆不同人君尊卑差等大夫士卑服窮則同也引內則者彼舅沒時年七十上姑雖存年六十已上而當傳之家事故子之妻代姑祭雖代姑每必請於姑引之者證經主婦而舍姑未老自為主婦姑老則子妻為婦也 佐食至中庭 注佐食至之西 釋曰案下記云佐食當事戶外南面無事則中庭北面據此而言則此經謂無事時也云立于人之西者案士虞禮云主人及兄弟賓即位於西方如反哭位注引禮云反哭入門升自西階東面經又云宗階前北面注云當主人此特牲吉禮主人行事由阼階宗人亦在阼階南擯主人佐北面於中庭明在宗人之西可知

儀禮疏卷第四十五

唐朝散大夫行太學博士弘文館學士臣賈公彥等撰

主人至戶內注祝先至南面釋曰自此盡稽首論主人主婦及祝

與佐食陳設陰厭之事云主人從西面于戶內注引少牢者證主人戶

內西面其時祝北墉下南面之事以其未有祝行事之法直監納祭而

已下文乃云祝在左為孝子釋辭乃有事也注及與至用兔釋曰

鼎在門外北上東為右人西為左人右人尊入時在鼎前左人卑入時

在鼎後又盡載牲體於俎又設俎于神坐之前主人升乃以東為主今

在堂下主人在右故云統於東也云主人與佐食者賓尊不載者以賓

主當相對為左右以賓尊不載此體故使佐食對主人使賓為右人而

使執事在左而載也宗人至南面注畢狀至心又釋曰云畢狀

如又者下引舊說有他神物惡桑又之言故以又而言云蓋為其似畢

星取名焉者案詩云有捩天畢載施之行無正文故云蓋以疑之也云

主人親舉宗人則執畢導之既錯又以畢臨匕載備失脫也知義然者

以經言宗人執畢先入是導之也又知既錯又以畢臨匕載備失脫也

者以經云當阼階南面明鄉主人執畢臨匕備失脫可知也云今此杜
 用棘心則畢亦用棘心者案下記云棘心匕刻是也知畢亦棘心者以
 雜記匕畢同用桑據喪祭今吉祭之用棘心則畢亦棘心也云舊說云
 畢以御他神物神物惡桑又舊說如此又引少牢士虞已下破舊說之
 意也云此無又者乃主人不親舉耳者摠解士虞少牢二禮云少牢大
 夫祭不親舉者大夫尊主人不親舉云虞喪祭祭也主人未執事者對
 吉祭主人執事有畢彼無也云祔練祥執事用桑又者以其虞時主人
 不執事則祔已執事執事用桑又則雜記所云是也云自此純吉用棘
 心又者除祥後則禫月及吉祭用棘心也案易震卦彖辭云震來虩虩
 言啞啞震驚百里不喪匕鬯鄭注云雷發聲於百里古者諸侯象諸
 侯出教令能警戒國內則守其宗廟社稷為之祭主不喪其匕鬯人君
 於祭匕牲體薦鬯而已其餘不親為也若然諸侯親匕牲體大夫不親
 者辟人君士卑不嫌得與人君同親匕也 注贊者至北面 釋曰云
 其錯俎東縮加匕東柄者少牢云俎皆設于鼎西西肆又云匕皆加于
 鼎東枋則此加匕於鼎東柄可知云既則退而左人北面也知者以其

從於鼎西其人當北面於其南載之便是以昏禮亦云北面載執而
 是也 注所謂至作密 釋曰知所謂心舌者下記云所俎心舌皆
 本末午割之實於牲鼎載心立舌縮俎是也引郊特牲者見斝有所
 送于尸前 注卒已至加焉 釋曰主人上牲體宗人以畢助之
 匕事訖加之於鼎則宗人既事亦加於鼎可知 注入設蓋以正
 曰知載人設俎者以其經卒載下即云入設不見別人明是載者設
 可知云腊特饌要方也者案經豆在神坐之前豕俎入設於豆東魚
 入次其東若腊俎復在東則饌不得方故腊俎特于俎北取其方故
 也 注宗婦至也 釋曰案少牢主婦設金敦宗婦贊三敦以其多
 故使宗婦贊此士祭祀二敦少故不使宗婦贊主婦可親之也若然案
 少牢佐食贊鉶宗婦不贊鉶此不以佐食決之而并云宗婦者此決有
 司徹故有司徹云主婦洗于房中出實爵尊南西面拜獻尸尸拜于筵
 上受主婦西面于主人之席北拜送爵入于房取一羊鉶坐奠于韭菹
 西主婦贊者執豕鉶以從主婦不興受設于羊鉶之西又下至主婦致
 爵于主人主婦設二鉶與糗脩如尸禮皆是也 注酌奠至奠之 釋

曰引少牢者案少牢祝酌奠遂命佐食佐食啓會乃奠者彼大夫禮與此士禮相變是以與此奠乃啓會異也 注稽首至尚饗 釋曰引少牢祝祝已下者欲見迎尸之前釋孝子之辭也 祝迎尸于門外 注尸自至尸次 釋曰自此盡反黍稷于其所論念厭後迎尸于正祭之事云尸自外來代主人接之者下注云主人不迎尸成尸尊故也云就其次而請不拜不敢與尊者為禮者凡平賓客皆在門西主人出門左西面拜今此經直云迎尸于門外不言祝拜尸答拜是祝出就次尸乃出迎之而入門是不敢與尊者為禮引周禮者證門外張尸次之事也 注主人至為厭 釋曰云主人不迎尸成尸尊者案祭統云君迎牲而不迎尸別嫌也尸在廟門外則疑於臣在廟中則全於君君在廟門外疑於君入廟明則全於臣全於子鄭云不迎尸者欲全其尊也尸神象也鬼神之尊在廟中人君之尊出廟門則伸此士禮雖無君道亦尊尸主人不迎迎之尊不成不迎之則成尸之道尊也云尸所祭者之孫也者禮記云孫為王父尸是也云祖之尸則主人乃宗子者以其祭祖兄弟來助祭故知宗子小宗大宗再宗皆然書傳云宗子將有事族

人皆入侍也云禰之尸則主人乃父道者禮記祭統云夫祭之道孫為王父尸所使為尸者於祭者子行也父北面而事之所以明子事父之道也此父子之倫也注云祭祖則用孫列皆取於同姓之適孫是其禰之尸則主人乃父道也云事神之禮廟中而已出迎則為厭有出廟門主人有君是是厭臣之義故不迎也 注侍盥至門左 釋曰引少牢者見上經陳盥在門右今尸入門左尸尊不就盥槃匱巾等鄉門右就尸之義也 尸至至人從 注延進至人從 釋曰云在後詔侑曰延者案士虞禮尸謾祝前鄉尸鄭注云前道也祝道尸必先鄉之為之節彼祝居尸前道之此則在尸後詔之故云延也云禮器所謂詔侑武方者彼注武無也祝詔侑尸無常謂若檀弓子事父母左右就養無方今祝延尸道尸亦無常也引少牢者見祝從尸主人又從祝入之事 尸答至如初 注饗勸至薦之 釋曰云其辭取于士虞記則宜云孝孫某其為孝薦之饗者但喪祭稱哀吉祭稱孝故士虞記卒哭饗尸辭曰哀子其其為哀薦之饗此既吉祭宜云孝孫某其為孝薦之饗以其改哀云孝故曰宜云也引舊說者證其為潔明之義也 祝命至豆間

注命詔至於醢 釋曰云按祭祭神食也者鄉者設饌未迎尸陰厭厭
 飫神今尸來升席而按祭祭訖當食神釋曰引周禮而云墮與按讀同則
 二字通用云今文改按皆為綏不從今文引古文者欲見換下有祭無
 醢故疊之而不從也云換醢者染於醢從經為正也 注肺祭至享之
 釋曰知肺祭是剝肺也者下記剝肺三鄭注為尸主人主婦祭明是剝
 肺非舉肺也 注釧肉至能亨 釋曰云釧肉味之有菜和者此即公
 食大夫牛藿羊苦豕薇之等是也以其盛之釧器因號羹為釧故云肉
 味有菜和者引曲禮者證釧羹有五味調和不合祭調之義故告言若
 大羹不調以鹽菜無祭調之理也 設大羹滫于醢北 注大羹至為
 汁 釋曰云醢北者為薦左案公食大夫昏禮大羹滫皆在薦右此在
 左者神禮變於生人士虞禮大夫羹滫設于釧南在右與生人同有不
 忍異於生故也云不和貴其質者案相二年左氏傳云大羹不和以鹽
 菜是貴其質也云不為神者陰厭時未設尸來始設為尸故士虞記云
 無尸則禮及薦饌皆如初不按祭無大羹滫載從獻有尸即有大羹滫
 從獻縱有亦不祭不齊是不為神為尸非盛者也引士虞禮曰大羹滫

自門入者證迎尸後乃從獻來也 乃食食舉 注舉言至連肉 釋
 曰乃食謂食肺云食舉謂骨體正脊從俎舉鄉口因名體為舉凡牲體
 或七或二十七皆據骨節而言今言食不可空食骨以體皆連肉也
 注所俎至其先 釋曰云所俎主於尸者以其入後乃設之故知主於
 尸主人親進者斂尸故也前神俎使載者設之者欲得尊賓嘉客以事
 其先故也 注幹長至牲同 釋曰云長脅文出下記也云獸腊其體
 數與牲同知者亦見下記云腊如牲骨是也 注庶眾至綽也 釋曰
 案公食大夫云旁四列西北上腳以東臄臄牛炙炙南醢以西牛臄醢
 注云先設醢綽之次也此四豆有醢則不得先設非綽之次故也又後
 一醢不得與臄炙相對相對之法炙在南醢在北臄在北醢南如此見得紳故
 少牢云韭菹醢醢葵菹羸醢韭菹在南葵菹在北注云葵菹在北紳又
 云羞臄兩瓦豆有醢亦用瓦豆設于薦釋曰之北注云四豆亦紳羊臄在
 南豕臄在北此皆有醢亦得紳者以其四豆臄醢具相對故鄭皆云紳
 也 注不復至次也 釋曰云舉先正脊後肩自上而卻下紳而前釋曰
 始之次也者先舉正脊自上也次舉脅即卻也後舉髀即下紳也終舉

肩即前也前者牲體之始後者牲體之終故云終始之次也 注佐食至讀然 釋曰云俎釋三个為改饌於西北隅遺之所釋者牲腊則正脊一骨長脅一骨及臠也知者案下記云尸俎右肩臂臠肱胛正脊二骨橫脊長脅二骨短脅今以舉正脊一骨長脅一骨及胛脊脅各一骨在前脚三節後脚二節各舉其一訖前脚舉肩訖宜次盛辟後脚舉胛訖宜次盛肱前後各一節以歸脰脊以其次正脊故也前脚唯有臠在并脊脅各一骨為三也 注尸授至俎豆 釋曰經直云肺脊加於所俎鄭知尸不自加而授與佐食佐食受而加之者約少牢云上佐食受尸牢肺正脊加于所鄭注云受者尸授之也是云肺脊初在菹豆者上文云尸實舉于菹豆是也 主人至醕尸 注醕猶至為酌 釋曰自此盡入復位論主人獻尸及祝佐食之事知是獻尸者下有主婦洗爵獻尸并賓長獻尸故知此是主人醕尸也云不用爵者下大夫也者此決少牢云主人降洗爵酌酒乃醕尸用爵不用角也云因父子之道質而用角角加入事略者既辟大夫不用爵次當用觚而用角者因無臣助祭父子相養之道而用角者父子是質角加入事略得用功少故也

修板

尸拜至肝從 注肝肝至無長 釋曰此直言肝從亦當如少牢賓長羞牢肝用俎縮執俎肝亦縮進末鹽在右此亦不言者文不具也 注醋報至作酢 釋曰云祝酌不洗者尸當酢主人宜親洗爵酌酒不親洗酌尸尊故也授代酌由祝代酌故不洗也 注退者至作授 釋曰云授祭亦使祭尸食也者前祝命尸授祭祭神食今命主人祭尸食亦如尸祭神食故云亦也云其授祭亦取黍稷肺祭者亦如上佐食取黍稷肺祭授尸尸祭之相似故云亦也 佐食至主人 注獨用至有焉 釋曰案少牢云祝與二佐食皆出盥于洗入二佐食各取黍於一敦上佐食兼受搏之以授尸尸執以命祝卒命祝祝受以東北面于尸西以授于主人但少牢不親授者大夫尸尊又大夫禮文此親授者士尸卑禮質故也云其辭則少牢饋食禮有焉者案少牢云祝以嘏于主人曰皇尸命工祝承致多福無疆于女孝孫來女孝孫使女受祿于天宜稼于田眉壽萬年勿替引之是也云獨用黍者食之主者案上文云爾黍于席上不云爾稷者以稷雖五穀之長不如黍之美故云食之主是以喪大記云君沐梁大夫沐稷士沐梁士喪禮士沐稻諸侯之士鄭注云

差率而上天子沐黍是黍為穀之貴也 注詩猶至作卦 釋曰云桂
祛以小指者便卒角也但右手執角左手桂祛以小指不干左手言便
卒角者飲酒之時恐其遺落故挂以小指故云便卒角也 主人至邊
受 注變黍至成 釋曰案少牢云主人出宰夫以邊受粢黍主人
嘗之納諸內此大夫尊不似有入房直見大夫出宰夫以邊受此主人
寫醬于房祝以邊受以其士賤故也云變黍言醬因事託戒欲其重稼
粢者以黍者五穀之名非農力成功之稱故以黍為粢欲其重稼故
少牢鄭注云秋斂曰醬是用農力之言也 註行神至設俎 釋曰此
汝佐食以佐食接尸故後獻之祝接神先獻之云菹醢皆主婦設之佐
食設俎知者前獻尸時菹醢主婦設之亞獻及致爵於主人邊豆亦皆
主婦設之則此設菹醢亦主婦可知又知佐食設俎約少牢主人獻祝
佐食設俎故此亦佐食設俎可知 祝左至復位 釋曰云主人荅拜
受角酌獻佐食者案上獻祝有俎此獻佐食不言俎者上經云執事之
俎陳於階間二列北上鄭注云執事謂有司以佐食亦在有司者下
記云佐食俎斂折脊脅也又下經賓長獻節鄭注云凡獻佐食皆無從



長

北西面與內子同 賓三至爵止 注初亞至待之 釋曰自此

復位論賓長獻尸及佐食并主人主婦致爵之事此一科之內乃

十一爵賓獻尸一也主婦致爵于主人二也主人酢主婦三也主人

爵于主婦四也主婦酢主人五也尸舉奠爵酢賓長六也賓長獻祝

七也又獻佐食八也賓又致爵于主人九也又致爵于主婦十也賓獻

主人酢十一也云初亞獻也者知不初獻者以主婦亞獻承初獻後賓

長又承亞獻後故知如亞獻不得如初獻也又面位及燔從皆如亞獻

也云三獻禮成欲神惠之均於室中是以奠而待之者謂尸得三獻而

禮成言其實飲三爵祝與佐食亦得三獻主人主婦各得一酢而已未

得獻是神惠未均奠而待之者待主人主婦致爵乃均也案下文衆賓

故為加爵如初爵止鄭注云尸止爵者欲神惠之均于在庭止得一獻

亦言均則不以爵數為均直據得一獻則為均也 注主婦至酌爵

釋曰云主婦拜於北面也者約有司儼尸於堂主婦致爵于主人主

人致爵于主婦北面于階上答拜是也 注初贊至面也 釋曰上

主婦亞獻時但云宗婦執兩邊又云祝贊邊祭無豆此云贊豆如初明

義禮疏四十五

贊豆之時與贊邊同故得言如初知東面者以主人西面故知也 俎

入設 注佐食設之 釋曰知佐食設之者見有司下大夫不償尸者

主婦致爵於主人時佐食設俎彼室內行事與士禮略同故鄭約之知

佐食設之也 注絕肺至作說 釋曰引少儀者彼注云提猶絕也不

絕中央少許者引之證離肺長而不絕故須絕之云忖肺不挽手者以

斷絕取祭之不須以手絕之故不挽手也 注於席至示均 釋曰

此決上主人獻尸賓長以肝從主婦獻尸兄弟以燔從今一酌而肝燔

從則與尸等故云亦均亦者亦上酒均於堂內 注主人至為受 釋

曰云主人更爵自酢男子不承婦人爵也者案上主婦獻尸尸酢主婦

不易爵鄭注云辟內子致爵于主人則易爵也若然案下記設洗筐在

西實二爵鄭注云二爵者為賓獻爵止主婦當致也此賓長所獻爵

奠之未舉其筐唯有一爵得云易者上主婦亞獻洗爵洗爵于房中

房中有爵又主婦獻祝及佐食訖以爵入于房後主婦致爵于主人

房內爵後主人致爵于主婦者是下筐之爵主婦飲訖實于房中

主人更取房內之爵以酌酢酢訖奠于下筐云主人更爵者謂酌

酢爵與房內爵相更鄭注下記云主婦當致者謂主人致爵於主婦則

用下筐內爵也 注洗乃至為受 釋曰此決上文賓獻尸獻祝及依

食皆不洗今致于主人洗故決之也案下篇不償尸洗爵致于主人注

云以承佐食賤新之此云為異事新之注不同者但為異事異事則是

承賤承賤後則事異言雖不同理則一也云燔從皆如初者如亞獻及

主人主婦致爵者謂如上主婦亞獻尸及祝皆燔從此言皆燔從如初

故云如亞獻及主人主婦致爵雖云如初則無肝從故經釋云燔從皆

如初云凡獻佐食皆無從者謂主人主婦及賓長獻佐食皆無從故云

凡鄭言此者以經獻祝及佐食洗爵致于主人主婦燔從皆如初在獻

佐食下嫌獻佐食亦然有燔從故鄭辯之若然佐食得獻與祝得獻同

亦得如初但無從為異云其薦俎獻兄弟以齒設之者以上佐食得獻

時不見有設薦俎之文下記云佐食於旅也齒於兄弟故佐食薦俎亦

與兄弟同時設之也 主人至初洗 注拜賓至拜者 釋曰自此盡

賓爵于筐論獻賓及眾賓之事也 賓辭至答拜 注就賓至無洗

釋曰云就賓拜者此禮不主於尊也者案鄉飲酒鄉射賓主獻酢各於

其階至酬乃同階此因祭如初賓非爲尊之所尊者謂尸也又賓是士家有司卑不得專階故就之使不得專階也對鄉飲酒鄉射得專階也云主人在右統於其位者以其賓得在西階上北面以東爲右主人位在阼階故云統于其位鄭言此者主人就西階異於飲酒主人在右則與飲酒禮同以言主人常居右也 薦脯醢設折俎 注凡節至設之釋曰案下記云賓路鄭云路左路也賓俎全體尊賓也折骨而曰折俎明凡節解牲體皆曰折外于俎故名折俎與臠折同名其折義則異彼折骨云不言其體略云折俎非貴體也者案下記云賓路略是牲體此經云折俎者亦用路非貴體故略云折俎若然經尸俎祝佐食及主人主婦俎體皆不言之而鄭注獨云賓俎不言體者尸祝等經不言牲體亦不言折以其體貴故也此賓俎不言牲體而言折明非貴體也云上賓路衆賓儀者案下記唯云賓路其衆賓已下皆殺脊不言儀者鄭見有司徹主人獻賓儀司士設俎羊路一又云衆賓長拜受爵其胥體儀也注云儀者尊體盡儀度餘骨可用而用之尊者用尊體卑者用卑體而已是也云公有司設之者此即有司徹云司士設俎羊路一衆賓

體儀是也此下文云公有司在門西則此設俎者也 注主人至其意釋曰云賓不敢敵主人主人達其意者以其實是士之有司之中以卑不敢與主人爲敵酢之是以主人酌以自酢達賓意故也若鄉飲酒鄉射賓皆親酢主人以其賓尊行敵禮故也 注位如至之與 釋曰以賓位在西階下東面今受獻於西階上經云執祭以降西面奠于其位又言位如初明復西階下東面位可知也 尊兩至如之 注爲酬至在下 釋曰自此盡揖復位論堂下設尊酬賓之事云行神惠不酌上尊卑異之者決上文獻賓及兄弟皆酌上尊者獻是嚴正故得與神靈共尊至此旅酬禮褻故不敢酌上尊案司尊彝職四時之祭云皆有壘諸臣之所酢少牢上下大夫堂下皆無尊者士卑得與人君同大夫尊辟人君故也云兩壘皆酒優之者設尊之法皆有玄酒今兩壘皆酒無玄酒優之也案玉藻云唯饗野人皆酒鄭云飲賤者不備禮與此注無玄酒爲優之異者此士之祭禮欲得尊賓嘉客以事其先非賤者故以皆酒爲優之彼饗野人野人是賤者故以不備禮解之也云先尊東方示惠由近者東方主人位西方賓位今先設東方乃設西方者見酒由

主人來故云示惠由近爲始也引禮運者彼汪澄爲沈齊酒是三酒酒所以飲諸臣證此壺尊亦飲在下者也 注西面至東北 釋曰以經云主人對卒洗酌西面賓北面拜主人西面授賓北面各拜明主人之得南過於賓故鄭以義言之云立於西階之前賓所各拜之東北也 注奠酬至飲酒 釋曰以其神惠右不舉生人飲酒左不舉今行神惠不可同於飲酒故奠於左與生人相變故有司徹云二人舉解酬尸侑侑奠解于右鄭注云奠于右者不舉也神惠右不舉變於飲酒是也此酬奠於薦左下文賓舉爲旅酬以其神惠故也言不可同飲酒者謂不可同於鄉飲酒故鄉飲酒記云將舉者於右奠者於左其義與此別此下文奠解於薦南明將舉以初在北飲酒將舉奠於薦南便其復舉 賓坐至復位 注還東至將舉 釋曰云揖復位者則初奠時少南於位可知云還東面者則初賓坐取解薦東西面可知故鄭注云還東面就其位薦西也 主人至賓儀 注酬賓至之與 釋曰自此盡如衆賓儀論主人獻長兄弟及衆兄弟之事云酬賓乃獻長兄弟者獻之禮成於酬者以其獻賓之禮以酬副之乃禮成故冠禮云乃禮賓以一獻

乃

禮鄭注云獻酢酬賓主人各兩爵而禮成又鄉飲酒獻及酬賓訖 獻介又此文獻賓即酬賓乃獻兄弟故鄭注獻之禮成於酬也云亦有薦胾設于位者以經云獻長兄弟于阼階上如賓儀則長兄弟初受獻于阼階上時亦薦脯醢設折俎於阼階上祭訖乃執以降設於下位皆當如賓儀鄭下注云設薦俎於其位者據執祭以降及其位而言也言亦者亦賓鄭必知有薦俎者見於下記云長兄弟及宗人折是也云私人爲之與者私人者即私臣下記云私臣門東北面西上是也以賓薦公有司設之則兄弟薦俎私人可知以無正文故言與以疑之也 注獻卑至明矣 釋曰云此言如衆賓儀則如獻衆賓洗明矣者以其上獻衆賓時雖不言洗此云洗獻衆兄弟如衆賓儀明獻衆賓洗可知不言之者舉下以明上省文之義故也 洗獻至之儀 注內凡至受爵 釋曰自此盡入復位論主人獻姑姊妹及宗婦之事云內賓宗婦也者此摠云內兄弟下記云內賓宗婦案彼注云內賓姑姊妹宗婦族人之婦若然兄弟者服名故號婦人爲兄弟也云其位在房中之尊北者案下記云尊兩壺于房中西墉下南上內賓立于其北東面南上賓婦北

堂東面北上是也云不殊其長略婦人者決上文獻賓於西階上獻兄弟於阼階上皆殊其長此不殊故云略之引有司徹者欲見此內賓受獻時亦南面拜受爵故下注云內賓之長亦南面答拜言亦者亦前受獻時前雖無文約有司徹內賓之長亦南面答拜注爵辯至答拜釋曰云爵辯乃自酢以初不殊其長也者對上賓與長兄弟不得獻衆賓衆兄弟徧主人先自酢也云內賓之長亦南面答拜者獻時不殊其長酢時猶如賓及兄弟殊其長與男子同男子婦人衆賓以下皆無酢也長兄至無從注大夫至主婦釋曰此一經論士三獻之外爲加獻尸之事云如初儀者如賓長三獻之儀但賓長獻十一爵此兄弟之長加獻則降唯有六爵以其闕主人主婦致爵并酢四爵及獻佐食五唯有六在者洗觚爲加獻一也尸酢長兄弟二也獻祝三也致爵於主人四也致爵於主婦五也受主人酢六也云大夫士三獻而禮成者天子大祫十有二獻四時與禘唯有九獻上公亦九獻侯伯七獻子男卿大夫士略同三獻而祭禮成也是以多之者爲加若主人飲酒大夫三獻士唯一獻而已祭禮士與大夫同者攝盛葬奠亦與

大夫同少牢五鼎又乘車建檀亦與卿大夫同也衆賓至爵止注尸爵至在庭釋曰庭賓及兄弟雖得一獻未得旅酬其已得三獻又別受加爵故停之使庭行旅酬是以云尸爵止者欲神惠之均於在庭也

儀禮疏卷第四十五

修板

儀禮疏卷第四十六

唐朝散大夫行太學博士弘文館學士臣賈公彥等撰

嗣舉至稽首 注嗣主至諸侯 釋曰自此盡出復位論嗣子飲奠酌
 獻之事云嗣主人將為後者不言適而言將為後者欲見無長適立庶
 子及同宗為後皆是故況言將為後也云舉猶飲也者非謂訓舉為飲
 直是嗣子舉而飲之耳云將傳重累之者謂將使為嗣牽累崇敬承重
 祭祀之事是使飲之而獻也云大夫之嗣子不舉奠辟諸侯者案文
 王世子云其登餼獻受爵則以上嗣注云上嗣君之適長子以特牲饋
 食禮言之受爵謂上嗣舉奠也獻謂舉奠洗爵酌入也餼謂宗人遣舉
 奠盥祝命之餼也大夫之嗣無此禮辟君也今案少牢無嗣子舉奠之
 事故此注云辟諸侯士卑不嫌得與人君同故有嗣子舉奠之事也奠
 者即上文祝酌奠奠於鉶南是也郊特牲云舉斝角詔妥尸鄭注云始
 入舉奠斝若奠角將祭之祝則詔主人拜安之使之坐尸即至尊之坐
 或時不自安則以拜安之天子奠斝諸侯奠角彼鄭注意亦引此特牲
 祝酌奠于鉶南也 尸執至拜焉 注食肝至為復 釋曰直言受肝

明有盥是以下記云嗣舉奠佐食設盥盥是也云食肝受尊者賜不敢餘也者食之當盡以其食若不盡直云齊之而已此經云食肝明不敢餘也 舉奠至復位 注啐之至西階 釋曰云啐之者啐其欲酢已也者鄉飲酒鄉射主人獻賓賓皆啐酒洗爵即酢主人此嗣子獻賓賓啐之亦欲酢已故啐之其實無酢也云嗣齒於子姓者姓之言生子之所生謂孫行者今嗣亦孫之流故齒之也云凡非主人升降自西階者案曲禮云為人子者升降不由阼階是以雖嗣子亦宜升降自西階適子孫不升阼階故於此揔言凡也 兄弟至賓儀 注弟子後生 釋曰自此盡乃羞論弟子舉觶將行旅酬之事云如主人酬賓儀者謂如文主人酬賓就其階同北面並拜乃飲卒爵拜洗酌乃西面賓北面拜位故言如此亦然弟子洗解酌於東方之尊阼階前東面獻長兄弟長兄弟北面拜受弟子奠于薦南長兄弟坐取觶還西面拜弟子北面答拜長兄弟奠於薦北揖復位若有司徹云兄弟之後生者舉觶於其長長在左弟子自飲訖升酌降長拜受於其位舉爵者東面答拜鄭注云拜受答拜不北面者儻尸禮殺此不儻尸則拜送皆北面可知也弟

于後生者此即有司徹云兄弟之後生者是也 注胥俎至可知 釋曰云告祭胥者謂告衆賓之等知無長賓者以其初得獻時即祭肺於階上此獻時乃設薦俎于其位故此無長賓也上又下長兄弟如賓儀則亦獻時祭可知故知宗人所告告衆賓衆兄弟內賓也云獻時設薦俎於其位者得獻時乃薦于堂下及房內之位云至此禮又殺告之祭使成禮也者案上文加爵致爵不及佐食無從殺也此告之祭使成禮是再殺故云又殺也云其祭皆離肺者已於記文解之也云不言祭豆可知者以衆賓言薦俎從設言薦即豆也故云不言祭豆可知 乃羞注羞庶至內羞 釋曰知羞非薦羞者上文受獻時皆設薦俎於其位故知此羞乃是庶羞非薦也云下尸馘醢豆而已者上為尸佐食羞庶羞四豆設於左鄭注四豆醢炙馘醢此祝以下薦羞降于尸當去醢炙故云馘醢豆而已云此所羞者自祝主人至於內賓者言自祝下及內賓及衆賓兄弟皆在可知又下記云公有司獻次衆賓私臣獻次兄弟則內賓亦及之是以少牢下篇云乃羞庶羞于賓兄弟內賓及私人不儻尸亦云乃羞于賓兄弟內賓及私人辯是也若然少牢與有司徹儻

尸與不償尸庶羞與房中羞皆與尸佐食及祝主人主婦皆同時羞之者彼上下大夫禮尊故得與尸同時羞此士禮卑故不得與尸同也云內羞者以其尸尊尚無內羞況祝卑故無內羞也 賓坐至在右 注薦南奠解 釋曰自此盡賓解于篚論行旅酬之間作止爵之事但此特牲之禮堂下行旅酬無筭爵並在室中者不與旅酬之事上大夫償尸與旅酬不與無筭爵之事故別使二人舉解於尸侑尸侑得舉為旅酬徧及堂下尸與旅酬者以其償尸在堂禮殺故也若下大夫不償尸者堂下無旅酬直行無筭爵於堂下而已尸則不與之所以下大夫無旅酬直有無筭爵者以其禮尸於室中辟國君堂下不設尊故無旅酬直行無筭爵而已以其堂上與神靈共尊不得與尸行旅酬故屈之此特牲堂下得旅酬無筭爵並行者以其堂下與神靈別尊故為加爵禮尸於室中酌上尊堂下旅酬行神惠酌下尊故上大夫及士之祭禮旅行無筭爵或行或不皆參差不等也賓酬長兄弟長兄弟在右下文兄弟酬衆賓長自左受旅如初是賓主相酬主人常在東其同在賓受酬者在左若鄉飲酒賓酬主人主人立於賓東主人酬介介

王人之西其衆賓受介酬者自介右鄭注云尊介使不失故位衆者受自左異其義也賓主相酬各守其位不以尊卑變同類之中受者于左尊右也 注其尊至北面 釋曰以其旅酬無筭爵以飲者酌已尊酬人之時酌彼尊是各自其酒故無筭爵賓弟子及兄弟弟子舉解於其長各酌于其尊也云此受酬者拜亦北面者以經長兄弟拜受解不言面位故鄭云受酌者拜亦北面言亦者亦賓北面也 為加至之儀 注於旅至並作 釋曰前衆賓之長為加爵如初爵止今還使為加爵者作止爵也故云如長兄弟之儀云於旅酬之間言作止爵明禮殺並作者此決上文賓三獻爵止鄭注云三獻禮成欲神惠之均于室中是以奠而待之故有室中主人主婦致爵訖乃三獻作止爵此衆賓長為加爵如初爵止鄭注云尸爵止者欲神惠之均于在庭而堂下庭中行旅酬未訖為加爵者作止爵故鄭注云禮殺並作也 注長兄又省 釋曰云長兄弟酬賓亦坐取其奠解者亦謂亦上賓坐取薦南奠解此長兄弟所舉奠解者即上弟子舉解於其長是也云明其相報禮終於此其文省者以其賓舉奠解於長兄弟行旅酬盡皆徧長

舉解於賓行旅酬亦皆徧故云相報禮終言明者嫌其不終所以嫌者嫌其不終所以嫌者賓之酬不言卒受者此不言交錯以辯嫌其不辭其實賓之酬亦卒受者賓解于筐此亦交錯以辯故鄭云文省賓弟至薦右注莫解至薦右釋曰自此盡爵無筭論二解並行無筭爵之事云莫解進奠之於薦右非神惠也者案上尊兩壺于阼階東加勺南柄西方亦如之鄭注云為酬賓及兄弟行神惠至此云非神東者彼三獻止爵欲得神惠均于室中眾賓長為加爵止爵者欲神惠均于在庭故止爵行旅酬雖以尸而莫爵待之亦得為神惠至此別為無筭爵在下自相勸故得為非神惠故奠於薦右同於生人飲酒舉者尊於薦右也長皆至其位注復其至北面釋曰云復其位者東西面位者上既言皆復位答拜此復重云復位則上文復位復在庭初舉地面位此重言復位者當復東西面位可知云凡堂下拜亦皆北面者前主人酬賓弟子舉於其長行旅酬及無筭爵兄弟弟子賓弟子舉解皆北面則知凡堂下雖不見面位者皆北面拜可知云凡賓以下主於私人拜受送皆北面故云凡也利洗至于筐注利佐至殺也

釋曰自此盡西序下論佐食獻尸祭祀畢之事云利佐食也言利以進酒也者利與佐食乃有二名者以上文設俎啓會爾敦之時以黍為食故名佐食今進以酒酒所以供養故名利利即養也故鄭云以今進酒也若然少牢名佐食上利執俎下利執豕俎者大夫禮文故即兩見其名云更言獻者以利待尸禮將終宜一進酒嫌於加酒亦當三也者此決兄弟長及眾賓長為加爵於尸不言獻今進酒更言獻不言加爵故鄭君解其義意以利事尸禮將終宜一進酒不似長兄弟助宗子祭祀為加爵眾賓之長助主人祭祀設為加爵嫌此佐食同彼二者為加爵故變言獻是以鄭云嫌亦當三也亦者亦上主人獻主婦獻賓長為三獻也長兄弟為加爵眾賓長為加爵通洗散獻尸亦三都井尸飲六士祭事尸禮畢也云不致爵禮又殺也者上文云長兄弟洗觶為加爵如初儀不及佐食洗致如初無從注云不及佐食無從殺也此又不致故云又殺也祝東面告利成注利猶至之嫌釋曰少牢云主人出立于阼階上南面祝出立于西階上東面祝告曰利成此戶外告利成彼階上告利成以尊者稍遠於尸若天子諸侯禮畢於堂下告

利成故詩楚茨云禮儀既備鍾鼓既戒孝孫俎位工祝致告鄭注云鍾鼓既戒戒諸在廟中者以祭禮畢孝孫往位堂下西面位也祝於是致孝孫之意告尸以利成是尊者告利成遠於尸也云不言禮畢於尸間之嫌者間間暇無事若然禮畢則於尸間暇無事有發遣尸之嫌故直言利成而已也 尸謾至人降 注謾起至備矣 釋曰引少牢者證大夫禮主人立位與士不同又證前尸出廟之事云前尸之儀士虞禮備矣者彼有室中出戶降階出廟前尸之事故云備矣 注俎所至歸之 釋曰引少牢者是少牢下篇有司徹下大夫不賓尸之禮彼云佐食徹尸俎佐食乃出尸俎于廟門外有司受歸之此士禮不賓尸與下大夫同故引以相證也 徹庶至序下 注為將至于房 釋曰知非神饌而云為尸者以其尸三飯後始薦庶羞故徹之乃餒也凡餒者尸鬼神之餘祭者餒尸之餘義取鬼神之惠徧廟中庶羞非鬼神惠佐用也引尚書傳已下者是彼康誥傳文大宗已侍於賓奠者或有作或有作暮者皆誤以奠為正也引之者證徹庶羞不入于房而設於下以擬燕故也必知祭有燕者案楚茨詩云鼓鍾送尸下云備嘗

肉

獻

總

修板

燕私鄭注云祭祀畢歸賓客之俎同姓則留與之燕所以尊賓客親骨肉也其上大夫當日儻尸安有燕故有司徹上大夫云主人退注云反於寢也是無燕私若下大夫不儻尸與此士禮同亦當有燕也云與者以經直言設于序下不言燕疑之引書傳為證有燕故言以疑之也云然則自尸祝以下知義如此者以兄弟受餼於堂上主婦由賓受獻於房中尸出之後堂房無事故知燕時男子在堂婦人在房可也 筵對至盥餽 注為將至政矣 釋曰自此盡戶外西面論嗣子共長兄弟對餒之事云敦有虞氏之器者禮記明堂位云有虞氏之兩敦上文黍稷之敦是周制士用之云言盥容同姓之士得從周制耳者大夫異姓既用異代之器故少牢特牲皆用敦則同姓之士當同周制用盥故經言分盥是以文王世子鄭注亦云同姓之士總衰異姓之士疑衰亦同姓與異姓別也引祭統者證餒是鬼神之惠徧廟中若國君之惠徧境內是可以觀政之事也 注命告至作餒 釋曰此決下篇少牢二佐食及二賓長餒明惠大及異姓不止族親而已 注以讀至席南 釋曰云以讀如何其夕也必有以也之以者此辭在詩邶風旄丘篇必

有以從之者以此經云有以先者以先祖有功德子孫當之而廟食
先祖有德亦合享此祭故讀從之也是以彼注亦云我君何以久留於
二佐必以衛有功德故也云其坐養其餘亦當以之也者亦謂亦似其
先祖已上皆為以為似者誤也云少牢饋食禮不戒者非親昵也者謂
二佐食與二賓長是非親昵也引舊說者以經直言主人西面拜不見
其處故引舊說以明下養席南面 注食乃祭餽禮殺 釋曰前正祭
之時尸祭餽嘗之告旨訖佐食爾黍於席上尸始食今餞食乃祭餽故
決之云禮殺故也 注少牢至養爵 釋曰引少牢者欲見此禮主人
亦受於戶內以授次養引舊說以此經云酌下養主人面位無文當此
面也 注主人至化之 釋曰云讀如諸侯以禮相與之與者案禮運
云諸侯以禮相與者諸侯會同聘問一德以尊天子言此者戒嗣子與
長兄弟及眾兄弟相教化相與以尊先祖之德也 注既授至就坐
釋曰以其主人位在戶內下餞席南西面故知上餞授爵於戶內乃就
坐 祝命至序下 注命命至燕也 釋曰自此盡畢出論徹薦俎改
設饌於西北隅為陽厭之事云祝命徹俎者是佐食徹之當徹俎

修板

之時堂下賓兄弟俎畢出故下文云佐食徹俎俎堂下俎畢出是也者
然祝命徹俎時堂下俎畢出又退在下者欲見先徹室內俎乃徹堂
下是以祝命佐食徹俎俎及豆邊又祝自執俎以出又宗婦徹祝豆邊
入於房即佐食改饌西北隅是以作經并說室內行事乃到本云上佐
食徹俎俎時堂下俎畢出也云命命佐食者此命命使徹俎俎下文云
佐食徹俎故知祝命者命佐食也云宗婦不徹豆邊徹禮略各有為而
已者以豆邊宗婦贊設之佐食設俎理應佐食還自徹俎宗婦徹豆邊
以徹禮略各自有為而已故宗婦豆邊今佐食并徹之故云徹禮略也
各有為而已者謂宗婦徹祝俎豆邊佐食徹俎俎豆邊是各自有為何
必依前所設之時也 注俟告至以出 釋曰案有司徹下大夫不償
尸改饌于西北隅訖主人出立于阼階上西面祝執其俎以出立于西
階上東面司宮闔牖戶祝告利成乃執俎以出于廟門外有司受歸之
彼不償尸之禮亦與此特牲禮同故引為證也 宗婦至薦俎 注宗
婦至于房 釋曰宗婦不徹主人豆邊而徹祝豆邊入房者為主婦將
用之為燕祝兩豆邊而主婦用之者祝接神尸之類主婦 姑姊妹及

宗女宜行神惠故主人以薦羞并及祝庶羞燕宗人於堂二婦以祝邊
 豆用之燕內賓於房是其事也云宗婦既並徹徹其卑者以宗婦不徹
 主人邊豆而徹祝與主婦是徹其卑者故得並徹引士虞禮者以經自
 有入房之文注更引士虞禮者有嫌也嫌者以主婦薦俎先在房嫌經
 入房又為徹 汪匪隱至厭也 釋曰云不知神之所在或諸遠人乎
 禮記郊特牲之文彼論正祭與釋祭之事此為陽厭引之者欲見孝子
 求神非一處故前為陰厭後為陽厭之事也引以牢者見彼大夫禮陽
 厭南面此士禮東面雖面位不同當室之白則同案曾子問庶殤為陽
 厭之事故彼云凡殤與無後者祭於宗子之家當室之白尊於東房是
 謂陽厭鄭注云當室之白謂西北隅得尸之明者也凡言厭者謂無尸
 直厭既神故鄭云則尸未入之前為陰厭矣謂祭于與中不得尸明故
 名陰厭對尸設之後改饌於西北隅為陽厭以向尸明故為陽厭也引
 曾子問云殤不備祭何謂陰厭陽厭者彼上文孔子曰有陰厭有陽厭
 謂宗子有陰厭無陽厭凡殤有陽厭無陰厭曾子言謂殤死陰厭陽厭
 並有故問孔子孔子引宗子一有陰厭凡殤一有陽厭也證成人陰

厭陽厭並有之義也 注拜送至答拜 釋曰云凡去者不答拜者云
 凡摠解諸文主人拜送賓皆不答拜鄭注鄉飲酒云禮有終是也若賓
 更答拜是更崇新敬禮故不答也 注記俎至賓者 釋曰云唯賓俎
 有司徹歸尸侑之俎不賓尸歸尸俎皆不見歸賓俎鄭所以知歸賓俎
 者正見賓出主人送於門外再拜明賓不自徹俎主人使歸之若助君
 祭必自徹其俎鄭注曲禮大夫以下或使人歸之是以孔子世家云魯
 郊不致燔俎于大夫孔子不悅冕而行士大夫家尊賓則使歸之自餘
 亦自徹而去也 記特牲至緇鞞 注於祭至玄端 釋曰此退玄冠
 在朝服下者欲令近緇色士冠在朝服上從而正也云皆者謂賓及兄
 弟筮日筮尸視濯亦玄端者見上經云筮日主人冠玄端子姓兄弟如
 主人之服有司羣執事如兄弟服筮尸云如求日之儀至於視濯又不
 見異服故知皆玄端至祭日夙興云主人服如初初即玄端明其餘不
 如初是朝服可知是以此注云皆者謂賓及兄弟也云朝服者諸侯之
 臣與其君日視朝之服大夫以祭者案玉藻云諸侯朝服以日視朝下
 少牢云主人朝服是也緇鞞下大夫之臣者士冠禮云主人玄冠朝

服緇帶素鞞鞞與裳同色此朝服緇鞞大夫之臣朝服素鞞此緇鞞故云下大夫之臣云夙興主人服如初則固玄端引上經者直言皆朝服恐主人亦在其中故引證主人服玄端與兄弟異也 注與主至下士釋曰周禮士之齊服有玄端素端司服文引之者欲見士之齊服有一玄端而裳則異故鄭云然則玄裳以下見玄端一而裳有三也彼注云素端者亦謂札荒有所禱請服之於此經無所當而連引之耳若然士冠亦有玄端三等裳而引司服者以此特牲祭祀時彼據齊時四命已上齊祭異冠大夫齊祭同冠故就此祭祀引齊時冠服爲證也 注順從至五升 釋曰云二爵者爲賓獻爵止主婦當致也者以一爵獻尸尸奠之未舉又一爵主婦當致者案經主婦致爵於主人婦人不見就堂下洗當於內洗則主婦致爵於主人時不取堂下爵而云主婦當致者謂主婦當受致之時用此爵也云四觶一酌奠其三長兄弟酬賓卒受者與賓弟子兄弟弟子舉觶於其長禮殺事相接者酌奠于鉶南是嗣子雖飲還復神之奠觶也餘有三在主人洗一觶酬賓奠於薦北實舉奠於薦南此未舉也下篚有二觶在又長兄弟洗觶爲加爵衆賓

Small rectangular seal impression at the top center.

Large, stylized, mirrored Chinese character '壽' (Shou) in the center, split vertically by a line.

Small rectangular seal impression at the bottom center.

之事也

注賓從至去之

釋曰云士之助祭終其事也者謂

為終其事既送尸為終其事則更無償尸之禮若上大夫有償尸者

出賈不送以其事終於償尸故也

注尸俎至神俎

釋曰云亦得

之名合少牢之體數者謂少牢正體之數十一若牢並骨并數則十

鄭云此所謂放而不致者致至也所謂禮器彼鄭注云謂若諸侯自

龍以下皆有放象諸侯山龍以下至日月星辰卿大夫又不山龍此

併骨二數乃得十一除此唯九而已亦是放而不至也云凡俎實之

奇者有九有七有五有奇數以其鼎俎奇故實數亦奇而相稱也二

脊無中脅無前貶於尊者不貶正脊不奪正也者以少牢大夫禮三脊

脅具有此但有二體貶於大夫大夫即尊者也等貶牲體不貶正脊者

奪其正長脅亦不貶者義與正脊同云正脊二骨長脅二骨者將舉

於尸尸食未飽不欲空神俎者此脊與脅二骨本為饌厭飫所設也又

尸既舉脊脅而猶有脊脅在既不空神俎義得兩施

離肺一注

離猶至舉肺

釋曰云亦不提心者言亦謂亦少儀云牛羊之肺離

而不提心鄭注云提猶絕也拵離之不絕中央少許者是也

注角

亦至等也 釋曰云魚水物以頭枚數者對三牲與腊以體數也二
 取數於月十有五而盈者案禮運云月三五而盈三五而闕文出
 於彼也云此所謂經而等者亦所謂禮器彼鄭注云謂若天子以下
 至士庶人為父母三年是也引之者謂魚數亦尊卑同也 注不但
 至骨者 釋曰云不但言體以有一骨二骨者若但言體體有九有
 則不兼二骨者若言牲骨則一骨二骨兼在其中故直言如牲
 骨也 祝俎至二骨 注凡接至三體 釋曰云祝俎直云脅二骨
 謂代脅也知者以尸俎無脰脊祝則有之尸俎無代脅祝俎有代脅
 可知云凡接於神及尸者俎不過牲三體以特牲約加其可併者二
 亦得奇名者言凡者凡祝佐食賓長兄弟宗人之等是也接神者
 謂祝與佐食佐食尸未入為神設俎卻會祝酌奠於鉶南故曰接神
 也接尸者賓為三獻長兄弟為加爵尸盥宗人授巾皆是與尸相接
 也知皆三體者下佐食俎斂折脊脅也賓骼長兄弟及宗人折其餘
 佐食 皆三體也衆賓之長亦有加爵接於尸亦應 下
 但言 衆賓長亦在焉可知故下文

皆斂脅注云不備三者賤也則衆賓長為加爵不在賤限以特
 其可併者二骨者是尊祝也佐食也已下卑無加故下注云三
 從正是也云少牢饋食禮羊豕各三體者以少牢二牲故祝俎
 者直三體引之以證此特牲約三體之外加其併骨也若然俎實其
 三牲各三體共六體不奇者通腊髀為七則亦奇數也以其腊既
 髀屬于尻不殊故為一體也 膚一至短脅 注主人至體臂 釋曰
 云臂左體臂者以其尸用右不云折明全升主人又云臂明左臂可知
 脅骨多不嫌得與尸何用右體猶脊然也 注斂後至作穀 釋曰云
 穀後足者案既夕記云明衣裳長及斂鄭注云斂足跗也是穀後足也
 云分後右足以為佐食俎者經不云後右足鄭知者以少牢主婦用在
 臠此士妻辟之不用左臠用後右足不用後左足左足大卑故知用後
 右足故知用後右足故鄭云辟大夫妻也 佐食至脊脅 注三體早
 者從正 釋曰直云脊脅不定體名欲見得使用之少牢佐食俎設于
 兩階之間其俎折一膚鄭注云折者擇取牢正體餘骨折分用之有脊
 而無薦亦遠下尸是無定體也 注骼左至略之 釋曰知骼是左骼

以其尸用右骼故知賓所用骼是左骼可知也云長兄弟及宗人拊
不言所分略之者此決上文主婦俎穀折佐食俎亦名穀折此不言所
分故知略之也 注又略至除者 釋曰云又略者上文長兄弟及宗
人直言折不言所折骨體已是略此又不言折而言穀胥是又略也言
此所折骨值有餘體即破之可也云祭禮接神者貴者謂長兄弟及宗
人已上俎皆三皆有齊肺以接神及尸貴故三體不止接神尸神象所
接尸者亦貴可知自衆賓以下折體而已不接尸神賤無獻故也宗人
雖不獻執中以授尸亦名接尸也引祭統者見貴賤皆有骨示均之義
云已所辟除者則府史之等不命於君者也 注獻在至與旅 釋曰
公有司獻在衆賓後私臣獻在兄弟後故云獻在後者賤也云祭祀有
之事者貴之者謂衆賓兄弟次賓之卑得獻衆賓擇取公有司可執事
謂前舉鼎也載羞從獻衆賓擇取公有司酬爵之屬如此者門外在
執事中入門列在東面爲衆賓餘者在門西位也兄弟雖無土
面位族親故也私臣獻在兄弟後者職賤公有司在衆
事於執事者故曰有上事者貴之宗人獻與旅齒於

有司爲之佐食於旅齒於兄弟則私臣之中擇爲賓使爲佐食也
前文佐食北面立于中庭注云佐食賓佐尸食者是也案前賓得獻
脯醢設折俎注云公有司設之及獻兄弟薦胥注云私人爲之與二
皆使執事云非執事者以受獻者不得自設俎暫使二者設之非本
事之人然則公有司私臣薦俎皆使徒隸爲之與云皆與旅者上宗
人獻旅云齒於衆賓佐食旅齒於兄弟是但言獻次不言旅以宗人佐
食約之與旅者亦此二人也若天子諸侯祭祀其位無文此公有司在
門西北面東上私臣在門東北面西上天子諸侯祭祀可依此位矣同姓
無爵者在阼階前西面北上鄉西階前東面北上大夫在門東北面士
門西北面旅食在其後少牢下篇云衆賓位在門東北面既獻在西階
西南衆賓繼上賓而南天子諸侯之賓其位或依此與案祭統云凡賜
爵昭爲一穆爲一昭與昭齒穆與穆齒凡羣有司皆以齒此之謂長幼
有序此不見昭穆位者主人衆兄弟非昭穆乎故彼注昭穆猶特牲少
牢饋食之禮主人之衆兄弟也羣有司猶衆賓下及執事者君賜之爵
謂若酬之是也若其有爵者則以爵序之何故然也案文王世子其在

外朝則以官其在宗廟之中則如外朝之位宗人授事以爵以官是不以姓其獻之亦以官故祭統云尸飲五君洗王爵獻卿尸飲七以瑤爵獻大夫尸飲九以散爵獻士及羣有司皆以齒明尊卑之等是也其酬蓋因此位而昭穆得獻蓋依少牢下篇主人洗升酌獻兄弟作階上注云兄弟長幼立飲賤不別大夫之賓尊於兄弟又曰辯受爵其位在洗東西面北上升受爵其薦胥設于其位注云先著其位於上乃後云薦胥設於其位明位初在是也此中皆無爵者以此二者差之知無爵者從昭穆有爵者則以官矣鄉釋執事者貴即衆賓無事者公有司私臣注祭統云羣有司猶衆賓下及執事者似衆賓不執事言下及殊卑者指謂公有司私臣是亦得名爲執事言衆賓据尊言謂之不執事者或衆賓中容有不執事者也

儀禮疏卷第四十六

